



Broj: 01-45-10193-1/25 HČ
Sarajevo, 11.11.2025. godine

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 21-11-2025			
Org. jed.	Broj	Priloga	Vrijednost
05/1	-02-	655	25

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
PREDSTAVNIČKI/ZASTUPNIČKI DOM
Hamdije Kreševljakovića br. 3, 71000 Sarajevo,
N/R Dragan Mioković, predsjedavajući

Predmet: *Odgovor na zastupničko pitanje, dostavlja se*

Veza: *Vaš akt broj: 05/1-02-655/25 od 3.11.2025. godine*

U skladu sa dostavljenim zastupničkim pitanjem, koje je postavila zastupnica Dajana Frlić na 25. redovnoj sjednici Predstavničkog doma Parlamenta FBiH održanoj 28.10.2025. godine, dostavljamo Vam odgovor u skladu sa članom 116. Poslovnika Zastupničkog doma Parlamenta Federacije BiH.

Pitanje:

« (...) Da li nadležne institucije mogu dostaviti podatke o učincima dosadašnjih provedenih politika, aktivne politike zapošljavanja mladih ljudi i predstaviti plan novih mjera koji će osigurati dugoročnu zaposlenost i održivu politiku zapošljavanja mladih. (...) Dakle, o učincima dosadašnjih provedenih politika, odnosno programa, koliko je mladih uistinu dugoročno zaposleno, u kojim sektorima, koliko je sredstava izdvojeno i s kakvim točnim rezultatima, a sve u svrhu kako bi se osiguralo dugoročno uključivanje mladih na tržište rada putem usklađivanja, dakle, obrazovanja s potrebama tržišta rada. Hvala lijepo.»

Odgovor:

U skladu sa postavljenim pitanjima dostavljamo Vam podatke kojima raspolažemo a do kojih smo došli provedenom evaluacijom programa aktivne politike zapošljavanje iz 2022. godine. Napominjemo da se evaluacija vrši najmanje 12 mjeseci nakon isteka perioda sufinansiranja zapošljavanja ili samozapošljavanja. S obzirom na obavezu čekanja proteka odgovarajućeg vremena, evaluacija Programa sufinansiranja zapošljavanja 2023 će se pokrenuti krajem 2025. godine, a evaluacija Programa sufinansiranja zapošljavanja 2024 krajem 2026. godine. Kada je riječ o mjerama aktivne politike zapošljavanja iz 2025. godine, proces ugovaranja je u toku i konačan broj korisnika će uskoro biti poznat. Od oko 100 miliona KM planiranih za mjere aktivne politike zapošljavanja u ovoj godini do sada je ugovoreno oko 95 posto, a obuhvat osoba sa evidencije nezaposlenih bit će sličan sličan kao prethodnih godina – cca 12.000.

- **Evaluacija Programa sufinansiranja zapošljavanja 2022**

U sklopu provođenja evaluacije Programa sufinansiranja zapošljavanja 2022 sa aspekta održivosti zaposlenja, i to mjereći ovaj indikator 12 mjeseci nakon završetka realizacije

pojedinačnih ugovora o sufinansiranju zapošljavanja, izvršena je provjera statusa svih osoba putem Porezne uprave Federacije BiH. Provjerom statusa podaci su evidentirani ukupno za sve osobe po svim mjerama, te dodatno disagregirani po spolu. S obzirom na profil mjere, te postavljeni cilj i vrstu ciljne grupe, ocjena efekata u smislu mjerenja održivosti zaposlenja osoba odnosila se na sljedeće mjere: Mladi sa iskustvom 2022, Zapošljavanje žena 2022, Prilika za sve 2022, Zapošljavanje demobilisanih boraca 2022, Nova mogućnost 2022, Tražim poslodavca 2022 i Služba u saradnji s poslodavcima 2022, dok je za mjere vezane za pripravnike i javne radove svrsishodnije bilo mjeriti izvršenje postavljenog cilja u smislu broja mladih osoba koje su stekle radno iskustvo u struci za koju su se školovale, tj. broj osoba s nižim kvalifikacijama uključenim u javne radove i sl.

Tabela: Pregled podataka o stopi održivosti zaposlenja 12 mjeseci nakon završetka Programa (po mjerama za ukupan broj osoba i po spolu)

Program sufinansiranja zapošljavanja 2022 Naziv mjere	Ukupan broj osoba	M	Ž	Broj zaposlenih 12 mjeseci nakon završetka Programa	% zaposlenih 12 mjeseci nakon završetka Programa	% M zaposlenih 12 mjeseci nakon završetka Programa	% Ž zaposlenih 12 mjeseci nakon završetka Programa
Zapošljavanje pripravnika 2022	408	140	268	245	60%	61%	59%
Mladi sa iskustvom 2022	201	92	109	146	73%	74%	72%
Zapošljavanje žena 2022	649	0	649	436	67%	0%	67%
Prilika za sve 2022	1.547	864	683	1.028	66%	68%	64%
Zapošljavanje demobilisanih boraca 2022	20	20	0	13	65%	65%	0%
Periodično/ sezonsko zapošljavanje 2022	523	287	236	325	62%	62%	62%
Nova mogućnost 2022	408	208	200	242	59%	58%	61%
Javni radovi 2022	46	38	8	24	52%	47%	75%
Pomoć potrebnim 2022	20	4	16	16	80%	100%	75%
Tražim poslodavca 2022	1.126	471	655	783	70%	72%	68%
Služba u saradnji s poslodavcima 2022	2.451	1.167	1.284	1.621	66%	68%	64%
UKUPNO	7.399	3.291	4.108	4.879	66%	67%	65%

Iz prezentiranih podataka može se uočiti da je od 7.399 osoba njih 4.879 (66%) još uvijek bilo zaposleno što je veoma dobar rezultat posebno imajući u vidu da je riječ o periodu neposredno nakon pandemije Covid-19. **Izuzetno visoke stope zadržavanja evidentirane su kod korisnika u mjerama Mladi sa iskustvom 2022 (73%) i Tražim poslodavca 2022 (70%).** Dobar rezultat održivosti statusa zaposlenja evidentiran je i u mjeri Zapošljavanje žena 2022 (67%), iako je kod učesnica u ovoj mjeri prosječan period nezaposlenosti prije početka zaposlenja bio 24 mjeseca. **Od ukupno 7.399 osoba obuhvaćenih navedenim programom mladi čine čak 52,1%.**

Tabela: Pregled strukture osoba obuhvaćenih mjerama iz Programa sufinansiranja zapošljavanja 2022

Program sufinansiranja zapošljavanja 2022	Spolna struktura		Ukupnoj osoba obuhvaćenih programima	Kvalifikacijska struktura					Dobna struktura			Period nezaposlenosti		
	M	Ž		VSS, VŠS	SSS	VKV	KV	NKV, PKV	do 30	od 30 do 40	40+	Nezaposleni do 6 mjeseci	Nezaposleni od 7 do 12 mjeseci	Nezaposleni duže od 12 mjeseci
UKUPNO za sve mjere	3.291	4.108	7.399	1.839	2.524	5	2.071	960	3.852	1.663	1.884	3.627	1.101	2.671
%	44,5%	55,5%	100,0%	24,9%	34,0%	0,1%	28,0%	13,0%	52,1%	22,4%	25,5%	49,0%	14,9%	36,1%

• Evaluacija Programa sufinansiranja samozapošljavanja Start up 2022

Kada je riječ o rezultatima evaluacije stope održivosti za Program sufinansiranja samozapošljavanja Start up 2022, u sklopu provođenja evaluacije sa aspekta održivosti zaposlenja (novotvorenih poslovnih djelatnosti - statusa samostalni poduzetnik i statusa zaposlenosti) 12 mjeseci nakon završetka realizacije pojedinačnih ugovora o sufinansiranju samozapošljavanja izvršena je provjera statusa svih osoba putem Porezne uprave Federacije BiH. Provjerom statusa podaci su evidentirani ukupno za sve osobe po svim mjerama u sklopu Programa.

Tabela: Pregled podataka o stopi održivosti zaposlenja 12 mjeseci nakon završetka Programa (po mjerama za ukupan broj osoba i po spolu)

Naziv mjere	Ukupan broj osoba	M	Ž	Broj zaposlenih 12 mjeseci nakon završetka Programa	% zaposlenih 12 mjeseci nakon završetka Programa	% M zaposlenih 12 mjeseci nakon završetka Programa	% Ž zaposlenih 12 mjeseci nakon završetka Programa
Poduzetništvo za mlade 2022	337	215	122	242	72%	78%	61%
Poduzetništvo za žene 2022	372	13	359	238	64%	46%	65%
Poduzetništvo za sve 2022	626	512	114	487	78%	82%	60%
Poduzetništvo za demobilizirane b. 2022	45	40	5	28	62%	63%	60%
Druga prilika 2022	656	325	331	454	69%	81%	58%
UKUPNO	2.036	1.105	931	1.449	71%	80%	61%

Iz prezentiranih podataka može se uočiti da je od 2.036 osoba njih 1.449 (71%) još uvijek bilo zaposleno tj. u statusu samostalnog poduzetnika ili u radnom odnosu, što je veoma dobar rezultat posebno imajući u vidu da je riječ o periodu neposredno nakon pandemije Covid-19

Najveća stopa održivosti zabilježena je u mjeri Poduzetništvo za sve 2022, čak 78%. **Također, izuzetno visoke stope zadržavanja statusa poduzetnika ili zaposlenika evidentirane su i kod korisnika u mjerama Poduzetništvo za mlade 2022 (72%) i Druga prilika 2022 (69%).** Od ukupno 2.036 osoba obuhvaćenih navedenim programom mladi do 30 godina čine 28,4%, odnosno do 40 godina 56,7%.

Tabela: Pregled podataka o strukturi osoba obuhvaćenih mjerama iz Programa sufinansiranja samozapošljavanja Start up 2022

Program sufinansiranja samo zapošljavanja 2022	Spolna struktura		Ukupno osoba obuhvaćenih programima	Kvalifikacijska struktura					Dobna struktura			Period nezaposlenosti		
	M	Ž		VSS, VŠS	SSS	VKV	KV	NKV, PKV	do 30	od 30 do 40	40+	do 6 mjeseci	od 7 do 12 mjeseci	duže od 12 mjeseci
UKUPNO za sve mjere	1.105	931	2.036	218	706	3	819	290	579	577	880	729	230	1.077
%	54%	46%	100,0%	10,7%	34,7%	0,1%	40,2%	14,2%	28,4%	28,3%	43,2%	35,8%	11,3%	52,9%

U okviru nadležnosti Federalnog zavoda za zapošljavanje mišljenja smo da je potrebno nastaviti s realizacijom mjera čije su ciljne grupe prioritarno mladi, i to:

- sufinansiranje zapošljavanja nezaposlenih mladih bez radnog iskustva (dobi do 30 godina),
- sufinansiranje zapošljavanje nezaposlenih osoba dobi do 35 godine s radnim iskustvom,

- sufinansiranje zapošljavanja uz dodjelu vaučera za traženje posla (primjer mjere „Tražim poslodavca“)
- sufinansiranje samozapošljavanja mladih (dobi do 30 godina).

U okviru nadležnosti drugih institucija smatramo potrebnim:

- razvijati i jačati sistemsko stipendiranje učenika i studenata u oblasti deficitarnih zanimanja na svim nivoima,
- razvijati programe obrazovanja odraslih,
- na bazi iskazane spremnosti poslodavaca za organizovanjem praktične nastave za učenike i studente, na lokalnom nivou inicirati pokretanje lokalnih partnerstava i jačanje dijaloga između službi za zapošljavanje, poslodavaca i obrazovnih ustanova, na kojima bi se dogovarala rješenja na lokalnom i kantonalnom nivou u vezi upisne politike, nastavnih planova i programa, te prioritarno organizovanja kvalitetne praktične nastave,
- u osnovnim i srednjim školama jačati funkciju karijernog usmjeravanja uz upoznavanje osnovnih karakteristika različitih profesija i ponude daljih obrazovnih programa,
- mlade upoznavati s osnovnim elementima poduzetništva, razvoja poslovnih ideja i mogućnosti pokretanja poslovnih djelatnosti,
- razvijati savjetodavnu podršku i mentorstvo u razvoju biznisa.

Za dodatna pitanja stojimo Vam na raspolaganju.


 Ravnateljica
Helena Lončar

Dostavljeno:

- Naslovu
- A/a.